



Publicaziuns dalla vischnaunca, jamna 23

Damonda da baghegiar

2016-1036.000

Datum dalla publicaziun: ils 10 da zercladur 2016

Il patrun: Claustra Mustér, Via Claustra 1 7180 Disentis/Mustér

Il representant: Biro d'inschignier Walter Deplazes, Casa da Scola, 7173 Surrein

Object: Engrondaziun dil lidimer, niev fussal da puschina (engrondaziun), fussau supplementar, baghetg sin parcella 2883, Salaplauna, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/ Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 6 da zercladur 2016

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandontas lubientschas da baghegiar:

Nr. 2016 – 1015.000

Pendicularas Mustér SA, Via Acletta 2, 7180 Disentis/ Mustér; magasin per material explosiv, parcella 2343, Lai Alv, 7180 Disentis/Mustér

Nr. 2016 – 1029.000

Vischnaunca Disentis/Mustér, Via Cons 2, 7180 Disentis/ Mustér; sanaziun dallas fatschadas nord e vest dil Center da sport e cultura, parcella 1351, Via Alpsu 51, 7180 Disentis/Mustér

Nr. 2016 – 1030.000

Marcel Manetsch-Tobler, Via Scantschala 11, 7183 Mumpé Medel; niev baghetg annex, parcella 1082, Via Scantschala 11, 7183 Mumpé Medel

Disentis/Mustér, ils 7 da zercladur 2016

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

Nr. 2016 – 2030.000

Ronny Zanin, Via Raveras 22, 7180 Disentis/Mustér; construcziun d'in paravent pigl esch dil balcon, casa sin parcella 850, Via Raveras 22, 7180 Disentis/Mustér.

Encunter quella decisiun san ins protestar a scret enteifer 20 dis dapi la publicaziun alla suprastonza communal.

Disentis/Mustér, ils 10 da zercladur 2016

Uffeci da baghegiar Disentis/Mustér



Cussegl da vischnaunca

Il cussegl da vischnaunca seraduna venderdis, ils 10 da zercladur 2016, allas 20.15 en casa communal.

Tractandas:

1. Protocols 30 e 31-2013/2016
2. Program d'activitad (messadi nr. 44-2013/2016)
3. Plan da finanzas 2017–2021 (messadi nr. 45-2013/2016)
4. Purificaziun dallas auas piarsas da Cavardiras: Project da canalisaziun e credit (messadi nr. 46-2013/2016)
5. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Rapport da gestiun 2015

Il rapport da gestiun 2015 dalla vischnaunca da Mustér vegn repartius ils proxims dis en las casadas. Tgi che ha buca retschert il rapport ni giavischa ulteriurs exemplars, sa sesurvir en casa communal (1. alzada, stanza 10).

Il rapport da gestiun ed il quen detagliau ein era d'anflar en fuorma electronica sin nossa pagina d'internet www.disentis.ch/Downloads/Spurtegl_virtual/Contabilitad.

Administraziun communal

17. Fiasta federala d'accordeon 2016

Engraziament

La 17. Fiasta federala d'accordeon 2016 auda gia tiel vargau ed ei stada in success cumplein cun fetg biars buns resuns e compliments.

Per l'organisaziun dall'occurrenza federala d'accordeon in resentiu Dieus paghi al comite d'organisaziun. Nus engraziein era a tuts voluntaris che han cun lur engaschi procurau per ina biala fiasta.

Suprastonza communal

Invitaziun Seniors-Ca

Niev datum!

Mesjamna, ils 15 da zercladur 2016 allas 14.00–16.00 Viseta all'exposiziun digl artist Gieri Schmed ed alla sala da dertgira a Trun.

Menader: nies anteriur avat Daniel Schönbächler (tudestg)

Annunzia: entochen sil pli tard ils 15 da zercladur allas 9.00 a Puntreis (tel. 081 929 56 56)

Cuosts da transport ed entrada vegnan surpris da Seniors-Ca.

P.S. Cun la carta da credit ni da Maestro dalla Banca Raiffeisen ei l'entrada libra (per plascher prender la carta!)

NIEV Seniors-Ca e Puntreis

Naven dils 15 da zercladur 2016: Seniors-Ca – Puntreis cun meisa da miezdi

Mintgamai avon nossa sentupada: meisa da miezdi

Entschatta: allas 12.15 en Puntreis

Gentar cun treis tratgas inclusiv 3 dl aua dalla spina ed in caffè per 15 francs

Annunzias entochen allas 9.00 dil di a Puntreis (tel. 081 929 56 56)



Impurtont!

La meisa da miezdi ei aviarta per mintgin/a. Negin sforz da separticipar suenter all'occurrentza!

Controlla da habitonts

Mortoris

Otto Levy, naschius ils 2 d'uost 1952, morts ils 31 da matg 2016.

Alfred Jacomet, naschius igl 1. da fenadur 1934, morts ils 5 da zercladur 2016.

Uniun samaritana Mustér

Nies proxim exercezi meinsil ha liug gliendisdis, ils 13 da zercladur 2016 allas 19.30 en casa da scola Cons. Thema: «Accidents sin via». Trer en resti cauld, damai ch'ils posts ein ordaviert. Persunas che han interess e vulan inagada fuffergnar tier nus ein cordialmein envidadas.

A stedia participaziun envida
l'niun Samaritana Mustér, menadra tecnic

17. Fiasta federala d'accordeon 2016 a Mustér

Preziadas voluntarias, prezias voluntaris e representants dalla cultura indigena
Stimadas visitadras e stimai visitaders da nossa fiasta
Grazia a Vies grond sustegn ed in engaschi exemplaric davon e davos las culissas han dapli che 1300 accordeonistas ed accordeonists passentau treis bellezia dis en nossa regiun. Tut ils biars buns resuns han documentau quei.
Mintgin da Vus astga esser loschs dil contonschui. Nus essan perschuadi da puspei haver gudignau in ni l'auter hosp che tuorna danovamein.
Seigies era egl avegnir solidars cun ulteriuras manifestaziuns che suondan. Sin in'otra gada!

*Per il CO 17. Fiasta federala d'accordeon 2016
Flavio Murer, president*

Praulas e historias cun Mats, la miur

Has ti gust da vegnir en biblioteca e tedlar praulas ni historias? Naturalmein astgas ti era prender cun tei tia mumma ni in'otra persuna accumpignonta.
Mats, la miur e nus dalla biblioteca raquitein a ti ina praula ord in cudisch da nossa valischa da surpras e quei mintga gada il secund venderdis dil meins dallas 14.30 entochen ca. allas 15.30. Nus selegrein zun fetg sin tei ... Tgisà, forsa anflein nus mintgaton aunc enzatgei auter che mo cudischs en nossa valischa da surpras! Cun ils pli cars salids e sin seveser tochen gleiti.

*Mats, la miur ed il team
dalla biblioteca populara Disentis/Mustér e contuorn*

Termin: 10 da zercladur 2016
